



* Маусымның үшінші жексенбісі – Медицина қызметкерлері күні!



Коллаж авторы: Г.ЖАНСУЛТАН

АҢДАТПА



Көшпелі кездесуде – халық үні

2



«Бір ауыл – бір өнім»

3



Республикада топ жарды

8

Құрметті медицина саласының қызметкерлері!

Сіздерді кәсіби мерекелеріңіз – Медицина қызметкерлері күнімен шын жүректен құттықтаймын!

Адам өмірі мен денсаулығы – баға жетпес байлық. Осы жолда өз уақытың, білімің, күш-жігерің аямаған ақ халатты абзал жандардың еңбегі әрдайым зор құрметке лайық.

Сіздер күн сайын үлкен жауапкершілікпен халықтың амандығы мен саулығы жолында тынымсыз еңбек етіп келесіздер.

Сондықтан қиын-қыстау кезеңдерде де, жаймашуақ күндерде де әр науқастың жанына араша түсіп, денсаулығына демеу болып жүрген сіздердің еңбектеріңіз өлшеусіз.

Қадірлі ақ халатты абзал жандар!

Ауданымыздың денсаулық сақтау саласын дамыту жолында атқарып жатқан игі істеріңіз қоғамдағы ең жоғары бағалауға лайық.

Кәсіби мереке тұсында сіздерге мықты денсаулық, сарқылмас күш-қуат пен еңбектеріңізге жеміс тілеймін!

Азамат МӘМБЕТОВ,
аудан әкімі

ЖОБА

«ЖАСЫЛ ЕЛ» ЖАСАҒЫ ЖҰМЫСҚА КІРІСТІ

Г.ЖУБАНЫШҚАЛИЕВА

Жастар саясатының негізгі міндетінің бірі – жастарды ұлтжандылыққа үйретіп, олардың қызығушылығын қоғам игілігіне қарай бұру. Оны іске асыру үшін республика көлемінде жастарды патриоттыққа тәрбиелеу мақсатында түрлі іс-шаралар да әзірленген. Соның бірі - «Жасыл ел» бағдарламасы.

Бұл бағдарламаның негізгі мақсаты – жастардың күшімен елімізді көгалдандыру, айналаны жасыл ағаштармен көркейту, сонымен қатар жастардың туған жерге деген қамқорлық сезімін ояту болып табылады. Ең бастысы жастардың бос уақытын еңбекпен тиімді өткізуге баулу.

Бірінші маусымнан бастап ауданымызда «Жасыл ел» жастар жасағы дәстүрлі көгалдандыру жұмыстарына кірісті. Жастар ресурстық орталығының мәліметінше, бүгінгі күні аудан бойынша еңбек жасағының бірінші кезеңінің 30 сарбазы өз жұмысын бастап, ауданның жасыл желекке айналып, гүлденуіне өз үлестерін қосуда.

«Биыл «Жасыл ел» жобасына аудандық абаттандыру бойынша 90 жасты жұмыспен қамту жоспарлануда. 16 мен 35 жас аралығындағы жұмыссыз жастар, мектеп оқушылары мен студенттер туған өлкенің тазалығына үн қосуда. Бұл ел аумағында жастарды кең ауқымда қамтыған жобалардың бірі. Бағдарлама

тек жұмыссыздық деңгейін төмендетіп қоймай, жастардың туған жерге, табиғатқа, Отанға деген патриоттық сезімін оятады. Олар ауданымызды жасыл желекке айналдыруға белсенді түрде атсалысады. Бірге жұмыс істеген жастар өзара достық қарым-қатынастарын нығайтады. Осындай жобалар арқылы өмірлік тәжірибе жинап қана қоймай, табыс тауып та үйренетіні белгілі. Бір жағынан бойларындағы жастық жалынды өлкені көгалдандыруға жұмсайды», – дейді Жастар ресурстық орталығының басшысы Есімхан Табылдыұлы.

Айта кетейік, бүгінде бірінші маусымның жас жұмысшыларына еңбек шарты мен жұмыс тәртібі түсіндіріліп, еңбек формасы тапсырылған. «Жастардың осылай қоғам өміріне белсене араласқаны дұрыс шешім деп есептеймін. Осы бағдарлама бойынша жұмысқа орналастым. Қазіргі кезде шөп жүлу, гүл егу бағытында еңбектенудеміз.



Осында жүрген бәріміздің де ауданға пайдамыз тисе деген ниеттеміз», - деді «Жасыл ел»

сарбазы Аяулым Төленді. Иә, жасқашылардың тынымсыз еңбегі мен жауапкершілігінің

арқасында ауданымыз көркейіп, таза әрі жайлы мекенге айналмақ. Мұндай белсенділік

пен азаматтық ұстаным ел болашағының жарқын болуына негіз болары анық.

* Баспасөз – 2025



«Мақат тынысына» 2025 жылға жазылу жалғаса береді

«ҚАЗПОШТА» АРҚЫЛЫ ЖАЗЫЛУ БАҒАСЫ

Жеке тұлғаға
6 айға - 1638 теңге 26 тиын

Заңды тұлғаға
6 айға - 3359 теңге 20 тиын

Құрметті оқырман!

Өзіңізге қажетті мәліметті "Мақат тынысынан" ғана ала аласыз. "Мақат тынысы" Сіздің сенімді серігіңіз болуға дайын! Бір рет жазылып, жыл бойы рухани азық алып тұрыңыз!

Газет индексі: жеке тұлғалар үшін – 65574, заңды тұлғалар үшін – 15574

